

Võrokeeline imakeelepäävä koorikontsört Võrol 18. märdsil

Pühapäävä, 18. märdsil kell 16 om Võro kultuurimajan Kannel võrokeeline täämbädsele imakeelepääväle pühendedü kontsört. Kontsördil esitäre 11 kuuri valiku vahtsõmbat võrokeelist kooriloomingut.

Esitedäs 2011. aastaga sügüse tõsölõ võrokeelitside koorilaulõ konkursilõ tulnu töid ja muud vahtsõmbat võrokeelist kooriloomingut. Laulõtas ka konkursi võidulaul "Veli viihädän" (säade Evelin Seppar, viis ja sõna Rõugõ khk), niisamatõ Kadri Laanese, Piret Rips-Laulu, Aare Kruusimäe, Alo Ritsingu, Mari Amori, Mari Kalkuni, Pärt Uusbergi, Erki Meistri jt laulõ. Om nii segä-, mihi-, naisi- ku latsikoorilaulõ, säälhulgan kogoni kats punklaulu.

„Tulõ kirriv kontsört. Uma Pido muusikatoimkund uut kontsörti viil tuuperäst, et edimäst kõrda saa elävän esitüsen kullõlda mitmit laulõ, midä 2013. aastaga 1. juunil tulõvalõ pidolõ valli kaalumi. Egäl kooril omma uma lemmiku joba tegünü. Hää, et Uma Pido om härgütänü ekstra võrokõisi jaos laulõ luuma nii mitmit muusikit!“ kõnõlõs koorijuht Otsari Silja kontsörti uutõn.

Laulva koori: Võro segäkuur Hilaro, Võro Kreutzwaldi Gümnaasiumi segäkuur, kammõrkuur NEH Talnast (Noored Eesti Hääled - EMTA tudõngiide segäkuur), Võro naisikoori Kannel ja Tempera, Põlva naisikuur Mai, Põlvamaa, Haaslava ja Motomihi mihihoori ja Kreutzwaldi Gümnaasiumi ja Parksepä Keskkooli latsikoori.

Kontsördil antas ka kätte võro keele ja kultuuri tundmisõ olümpiaadi "Ütski tark ei sata taivast" avvuhinna (kae <http://www.wi.ee/index.php/miasunnus/382-paromba-keeletundja-omma-teedae>).

Kõrraldasõ Võro Selts VKKF ja Võro kultuurimaja Kannel.
Tugõva Võro vallavalitsus, Võro liinavalitsus ja Kulka Põlva ja Võro ekspertgrupi.

Kontsört om kõigilõ massulda.

Teedüs: Triinu Ojar, Uma Pido projektijuht
Võro Selts VKKF, tel 53322153, www.umapido.ee